

嘉慶廬州府志

廬州府志卷三十四

篤行

李篋生

靳萬元

蔡禮

蔡延篋

蔡昌大

呂銀

沈暉

徐日升

王明舜

邱宗開

王典

胡志鴻

王明正

沈國賓

音清

巫萬悅

劉維垣

錢如客

劉燮

汪瑞洪

羅玉

高德滋

王允纂

王永闕

馬祐

劉顯謨

劉宏訓

任天谷

張維倫

潘世偉

郭仲符

孔衍聘

謝賜弼

胡一鸞

徐永脈

會歷昌

黃三畏

黃榮卿

黃尙忠

朱維翰

徐行植

任鳴珂

盛燿

祝雲龍

夏尙武

賈邦材

胡汝璧

朱鑑

汪德成

陳鼎

陳其策

許登雲

任齊世

賈天貴

郭維倫

郭尙瑤

孔翼公

周天成

郭維恭

郭維楚

樊世清

孔貞堯

胡永康

黃文蔚

潘先登

任爲楫

胡堯思

金成

陳韜

任輔世

王希曾

任如臯

賈又復

賈登瀛

胡天翼

王世俊

陳豹文

靳宏毅

徐席之

高克謙

徐維宣

夏裔廣

秦九榮

李民表

方正榮

劉光案

黃甲元

汪文魁

孫邦翰

陳景運

子瑛

耿秉鉉

沈可法

闕坦

郭維垣

子嗣通

吳聲宮

朱搢瓊

弟拱璋

徐士儒

蔣懋禮

朱世衍

樂一藝

胡尙鼎

高榮後

劉澍

楊先培

劉徵

李起倫

劉金殿

翟凌鵬

張如翼

劉學堯

劉學周

曹開顯

盧綜顯

張甦

陳永曦

李捷

謝鳳毛

劉廷蒼

燕翼

沙之浩

朱傅

子朝貽

伍貞

字太康

吳漢 凌可綸 劉君紹 張奭

范本泌 婁日費 郭紀熙 王信

蔡國順 傅國佐 王元登 丁昇

蔡霽 黃彬子大鶴
文衡 沙岳 趙炯

李耿忠 李集 張惟 蔡天泰

張桐弟檢 褚家辨弟家璣 李延灼 黃存義

周朝鼎 陸宗瑛 李灑 董懷峯

李山 白廷俊 李雲 王邦珍

程德新 龔湘 范正素 蔡卉

牛成瑚子燦 李鼎 王俶 高掖弟峻
子殊 姪珍

陳應鼈 何芬 吳應龍 靳宏基

黃仕晉

靳宏士

吳崇諱

李且雲

劉驥

姚錫綸

丁寵

廬州府志卷三十四

賜進士出身廬州府知府溫陵張祥雲主修
·篤行

明

李筮生合肥人以普濟爲願解推不計囊之多寡隆冬備襦
袴及米待里之無衣食者戚友婚喪隨時周給萬歷十七
年歲大禳仗義捐助存活無數弟卒撫卹弟婦胡氏及孤
姪收春成立與子先春同補郡庠生後爲定遠訓導會孫
世藻順治丙戌拔貢筮仕廬施清慎自矢有政聲

縣志

靳萬元合肥人讓產卻金有篤行君子之風

縣志

蔡清字孟潔合肥人孝友篤實推重鄉閭天順六年舉鄉賓

賜入品頂帶壽八十有二

蔡禮字元敬合肥人性孝友天爵自尊與物無忤家本素封
輕財好施接以困乏弗顧也居恆手一編詩酒自娛子孫
各視其才質授以職業咸得有成

蔡廷篋字昆器合肥人少孤勤儉自勵與諸兄合爨三十年
迨折產推讓不較隆慶辛未歲大祲出粟賑飢郡丞羅公
節推陸公贈額曰敦義庚辰己丑復賑如前額曰淮西義
士舉鄉飲賓壽八十有六

蔡昌大字蔚華合肥人少承庭訓動必以禮世父悉開大學
講堂借昆弟親領提命精研道腴涵養益深文抒智臆不
趨時好課子孫以孝弟力田壽八十有六

呂銀盧江人太學生嘉靖時歲飢捐穀五千石賑濟勸建坊

旌爲義官封奉政大夫

縣志

沈暉字肖廬合肥人知山東利津縣多善政後告歸邑侯熊公禮請爲鄉飲大賓崇正十三年歲饑設廠賑粥次年復大疫民多委溝壑捐貲數千施棺掩骼閭邑稱爲仁者又復於三河鎮建沈家橋至今無疴涉焉

縣志

徐日升字杲卿合肥人少失恃事繼母以孝聞值歲大饑道殣相望公出積粟六千石以賑一時翕然慕義爭相效法肥民賴以全活者甚眾

縣志

王明舜字風泉合肥人生有至性兒時從里社飲每懷果遺母人稱其孝崇禎庚辰歲大祲悉出所積散之以好施故

家致中落不悔也

縣志

邱宗開字爾丞合肥人郡文學也壬午寇亂宗開出資招勇
敢保守鄉村得免賊害宗開卒其妻熊氏妾余氏苦守教子
之倫成名

縣志

王典字大章合肥人天性孝友慷慨好施居南鄉壬午寇難
避難者幾百人典以所居分處飲食之全活甚眾

縣志

胡志鴻合肥人侍御志藩胞弟也生平好義樂施壬午寇亂
後移居鄉莊貧友多依以爲活親黨賴之有不能婚嫁者
必解囊以助之

縣志

王明正合肥人性孝友不苟言行年十五割股愈母病已令
旌曰童心篤孝伯兄六十無嗣力爲置妾後子景綱景維

孫楫霖俱以孝友聞

縣志

沈國賓合肥人以孝聞有石坊建堰城壩紀載甚詳善行甚多明崇禎寇變後事多不傳

縣志

國朝

晉清字疏越合肥人郡庠生居家孝友與仲季析產不計所值嘗曰廬城百萬家多付之荒烟蔓艸我弟兄尚存此數椽數畝何必多求設教泐濠間一時從遊者眾著作甚富有鴻雪集行世

縣志

巫萬悅合肥者民生平慷慨好施親戚鄰里婚喪不能舉者悉捐助之卒之日人多感激泣下

縣志

劉維垣合肥人母夏氏病篤禱神願以身代夢神人示之曰

汝誠可格天當益汝母壽病果痊子煜焯俱列膠庠季子
變之子顯謨庚辰進士宏訓履謙亦皆諸生人咸以爲孝
行之報云

縣志

錢如容合肥人歲貢生性至孝父病衣不解帶藥必親嘗父
歿事母愈篤二十餘年甘旨無缺其割產贍弟尤稱友愛
焉

縣志

劉變字公理合肥人幼失怙事母至孝尤篤於友愛與兄析
產輒以其腴者讓之兄歿姪復早亡撫姪孫如己出

縣志

汪瑞洪合肥人傭工養親見親所嗜之物必力致之終身未
嘗拂志前令俱有旌言

縣志

羅玉字公琢合肥人十九歲與兄塾同入泮康熙丁丑歲薦

敦品力學都人士仰之如山斗所著有天中草螺江遊圖

海遊諸詩集尤長於古文詞

縣志

高德滋字德務合廂人髫年失怙事嫡母孝甚竝能率幼弟
德洽同將其順方冠補邑諸生留心經濟守令多所諮訪
每有贊畫輒愜人意三子重琛重瑛重琮俱有聲庠序重
瑛尤達於經學著有尙書遊註經史集說行世詳見孝義

縣志

王允纂字珥彤合肥人黃州節推綵長子性篤孝嗜古力學
十歲失恃居喪盡禮善事繼母友愛諸弟居鄉黨尤敦嫻
睦康熙己未歲旱出廩粟賑飢全活甚眾里中稱盛德焉

子育雍俱遊庠序克承家學

縣志

王永闕字祉合肥人邑庠生絳仲子性溫厚和平與人交
久要不忘樂周人急於寒士尤喜助之四子各授一經襄
歲貢袁進士褒邑廩生襄郡庠生諸孫多在泮有聲

縣志

馬祐字篤斯合肥人歲貢生中年失偶義不再娶先是其家
頗裕以樂施致貧明季旱祐出粟賑粥存活甚眾繼大疫
復施棺數百口康熙二十八年有壽民鬻妻償債祐僅館
穀代出銀十六兩仍給資令歸卒年八十有七

縣志

劉顯謨字御書合肥人康熙庚辰武科進士以親老侍養累
辟不就承歡膝下克盡孝養家居山莊遇歲儉周貧郵乏

族黨稱之

縣志

劉宏訓字敷文合肥人庠生天性篤厚置義田義冢以濟族

黨家居肥六之界歲於通衢設茶葺行人便之所若有逸

園文集

縣志

任天眷舒城人邑庠生性孝友家貧力學仲兄天成宦吳越
天眷奉繼母承歡養志者十數年課諸子各授一經子昌

世安世俱邑庠生

縣志

張維倫舒城人孝友過人居鄉醇謹不慕榮利鄉里貧乏者
多周繼之

縣志

潘世偉舒城人友愛從弟財物無所私人以爲難

縣志

郭仲符舒城人父早歿辛苦操作生業漸裕兄貿易江湖折
閱歸沖符仍分所有與之曰我差幼能任事財產易致也

一時重其義云

縣志

孔行聘舒城人明末饑殍載道行聘施粥施衣施榘行之不遺餘力鄉人德之

縣志

謝賜弼舒城人明寰子天性孝友尙節義喜施濟晚年尤多

隱德鄉里推爲楷模

縣志

胡一鸞字冠明舒城人天性忠厚好善樂施生平以孝友爲務循規蹈矩言笑不苟教子孫以詩禮家庭雍肅鄉里有

善人之目

縣志

徐永厥舒城人少孤事母以孝稱撫二弟皆成立樂善不倦鄉里咸推重之

縣志

曾歷昌舒城人庠生忠信醇謹古道自處前邑令兩旌之

縣志

黃三畏舒城人勤儉樂善好施訓子弟多成立里人賢之

縣志

黃榮卿舒城人慎交游重然諾築室邑東足跡不入城市者

數十年有古隱君子風

縣志

黃尚忠舒城人居貧守約樂善好施鄉里推爲長者

縣志

朱維翰字漢公舒城人武舉善事後母友愛諸兄弟無閒言
康熙辛巳烏沙鎮被災之家維翰計口授糧數百人咸食

其德

縣志

徐行植字子建舒城人孝友端方素行高潔里有難事多往

質之其睦族賑貧於朋友故舊尤敦古誼

縣志

任鳴珂字瑤圃舒城人例監生曲體親心友愛庶弟操行方

正見義必爲問里畏敬之有彥方風範負才未展時論惜

之著有鴻泥集詩行世

縣志

盛熠字星偕舒城人歲貢生生平以孝友著聞踐履淳篤鄉里推爲典型

縣志

祝雲龍字友夔舒城人康熙庚子舉明經倜儻有大志爲文雄渾雅健處兄弟閒極盡友愛

縣志

夏尙武字楚白舒城人家庭閭極盡恩禮雖甚貧能自樹立取與不苟性慙於人曲直無所回互人亦以其無私而諒之

縣志

賈邦材字詠斯舒城人庠生家故貧父教讀恆不事生產邦材問織督耕甘旨無闕敦友誼篤宗枝鄉里化之所居鄰

家罕有爭訟事

縣志

胡汝璧字蒼石舒城人雖生於富貴而謹飭自持無少豪放

與兄世球弟世瓊敦睦宗族周恤親隣一一能承先志

縣志

朱鑑字藻如舒城人親歿居喪守禮惟謹三年如一日居恆

獨坐一室與子弟諸生談經味道以茂薦需次司訓不及

待而卒

縣志

汪德成字用章舒城人父溥歿家業蕭然德成年十六服賈

養母能得其歡心教諸弟成立皆有恆產

縣志

陳鼎字象九舒城人庠生髫年失恃善事後母力學砥行教

子弟以讀書敦本爲要自是科第蟬聯足徵孝友之報

縣志

陳其策字公右舒城人康熙壬子與叔翰同舉於鄉壬戌登

進士授陝西臨洮衛守備以懲直見黜歸里雖貧窘于當

事未嘗有干謁

縣志

許登雲字亦凌舒城人諸生性孝友八歲失侍事後母先意承志得其歡心母卒雲哀毀骨立治喪卜葬盡禮嘗募人墾田數百頃分給子弟甚均族有顛連者保護教誨務令成家尤好施與資貧乏晚益肆力墳典手抄口誦寒暑不輟偶有得輒寓于詩壽八十一

縣志

任齊世字一公舒城人例監生性溫淳慈藹教子弟多成立居鄉雖遇販負童幼亦無急言遽色人樂親之

縣志

賈天貴字公良舒城人爲人忠厚質直遇鄉里有爭者輒爲一言解之饋遺無所受教子孫以力耕急稅爲務

縣志

郭維倫舒城人事親孝與友信族兄弟無遠近悉待以誠性尤耿介輕財明大義督修宗譜諡聯一本鄉里咸推重之

縣志

郭尙瑞字盛友舒城人天性孝友嫻睦宗族與弟尙瑣俱有

聲譽序

縣志

孔翼公舒城人樸實純厚孝友兼盡少精舉子業屢試未就

晚年猶手一編垂釣桃谿同懷五人壽皆八十餘怡怡一

堂自少至老雍然秩然

縣志

周天成舒城人忠厚樸實性好施與每儉歲但有餘穀卽分

贈隣里延師教子耕讀之外無他務里人賢之

縣志

郭維恭舒城人樸實敦厚然諾不苟行己律身悉以古道尤

能敦本睦族排難解紛教子以孝友勤謹勉爲端人

縣志

郭維楚舒城人事母以孝聞處兄弟克盡友恭鄉黨稱之

縣志

樊世清舒城人性淳厚教子孫先行後文時歲凶饑世清出粟二百斛以賑之代貧民輸積稅銀一百餘兩

縣志

孔貞堯字天如舒城人奉祀生員樂善好施明末兵亂施粥

施衣埋骨掩骼妻孫氏亦好善樂施周濟貧困

縣志

胡永康舒城人樂善好施值寇亂收葬遺骸顛沛流離奉母不失禮母卒居喪甚哀性好排難解紛爲德不倦

縣志

黃文蔚舒城人孝友恬退父早歿事孀母極盡色養家無斗筲舌耕餬口治親喪必盡禮兄弟九人式好無尤居常衣食及冠婚諸大事文蔚擔荷居多太守徐以望族純修旌之

縣志

潘先登字裕然舒城人孝友任使昔居三河家頗饒族戚中

賴以舉火者甚眾晚歲家中落徙居桃城雖布衣喜讀古

書年八十猶手不釋卷

縣志

任爲相字濟蒼舒城人友愛兄弟性骨鯁遇道義有必爭者

雖豪貴勢壓不爲動言論侃侃無間初終

縣志

胡克思字嗣祖舒城人世家子事繼母以孝聞工制藝試輒

冠軍入郡庠以志在奉養不求仕進

縣志

金戊字其相舒城人家故饒無驕行博學能文爲學者所稱

許

縣志

陳韜字姜友舒城人年二十舉鄉榜例應銓選因養親不圖
仕進敦倫睦族善氣藹如然丰采嚴峻子弟後學望而敬
之

縣志

任輔世字長民舒城人邑增生從弟有棄先業者給以值不取其產弟終不能守再子之價而以租贍其身終焉娶姜氏少遊疾姜父母欲爲買妾輔世持不可後生五子

縣志

王希會字孝若舒城人歲貢生寇變時年十二流寓望江嘗讀書於客館有少婦挑之堅拒不納曰昔人凜四知寧獨臨財爲然哉辭受取與無巨細皆不苟里人畏敬之

縣志

任如臯字祁臣舒城人例監生隨父振世宦曲周曲周故饒邑振世飲冰茹檠舊例悉除開謂臯曰吾將何以遺汝臯對曰大人以清白相遺足矣振世亦心賢之

縣志

賈又復字勝先舒城人性伉爽和睦族屬親知以藐孤託必竭心力撫之接遇賓朋無倦容無德色有鄭當時之風

縣志

賈登瀛字華翰舒城人郡廩生爲文醇古雅澹爲同輩所推

夔

縣志

胡天翼舒城人庠生天性孝友樸實敦厚不妄交一人卹居
節屋督耕自給暇時則蒔花種竹賦詩飲酒不履城市有

古君子風

縣志

王世俊舒城人性孝友慈仁好施與如藥餌衣棺義冢諸務
行之不倦推財讓產尤有辭包風範

縣志

陳豹文舒城人庠生天性孝友見義必爲兄早逝豹文經其
遺產不爲私利撫姪成立尤人所難

縣志

靳宏毅字仕可舒城人國學生慷慨好義廬試院舊張蓆棚
以覆每歲科屆期必重加修整事竣則撤几案偈仄欷斜

若試日人眾不能容生童有匍匐階除呬唔終日之苦太守徐公大枚潤之思易椽瓦並備端好棹發廣文余君汝霖奉檄造宏毅廬與之語宏毅欣然願獨力如數捐輸以勸善政一時稱盛事云

縣志

徐席之字崑璧廬江人素行醇謹與物無競流寇環城多方捍患眾皆倚之

縣志

高克謙字益之廬江人仗義急公如爭免驛馬諸條議利及閩邑壬午寇變家室蕩爲灰燼謙奉二親及三弟徙於江南待養者千指謙皆身任之勤苦治生業日拔擴析箸時毫不自私

縣志

徐維宣廬江人歲貢生孝友貞樸然諾不欺遇不平事輒挺

身排解不怵於利害每除夕出薪米以周貧乏歷年不倦
著有偶存集

縣志

夏裔廣字椒擬廬江人父爲岳州郡丞卒於官裔廣扶櫬歸
哀毀骨立岳人咸嗟歎之奉繼母克盡子道撫異母弟教
之成立先是族人有貧不能葬者裔廣獨力營葬及家貧
猶減削百需以周給之居恆杜門講學行矩言方鄉里皆
欽其品

縣志

秦九榮字爾承舒城人增生性端慤詩酒自娛絕跡戶外族
中貧乏者必周卹之營建家祠春秋集族人講約勉以敦
睦族衆化之罕有構訟

縣志

李民表無爲人父所授產多推以讓弟族貧不能婚者民表

助之金其或假貸無償亦焚其券焉

州志

方正榮無爲人性喜施子置茶亭通衢以憩行旅與汪文魁爲友至老不分財兩姓子孫亦互相訓飭有龐公司馬之

風州守史應選給額獎勵標其名於旌善亭中

州志

劉光宗字同之無爲人性孝友少舉優行耿介端方閉戶讀書經年足不履市晚年應貢未及廷試而卒

州志

黃甲元字繼農無爲人善岐黃術叩門者不問貧富悉應之多不取值遇貧病者飯之且助以錢閉策一驢走數十里問人患難風雨無難色以先人未御羅綺終身著大布衣及卒僅田數十畝遺命以腴者歸姪而分其瘠與兩子

州志

汪文魁無爲人母老而疾百方娛志侍湯藥不解帶者數年

田產所入多讓之弟與鄉里接雖童穉不冠不見人有緩急不吝重貲相濟易簣前一夕誡家人毋溷我我將遠遊及旦而逝

州志

孫邦翰字文台無爲人弱冠補諸生授徒數十年從游者眾歲饑邦翰尤困有所贈遺俱不受其耿介類如此

州志

陳景運字熙升無爲人郡諸生居家孝友年六十四卒著有樵餘吟州守楊奇烈旌之子瑛字子子康熙中與同志李捷倡行便民小單致家中落州民至今德之

州志

耿秉鉉字長玉無爲人好義樂善入膠庠四十餘年公門無片紙歲祿自減家食以濟貧交晚年刻意教子兩列膠庠

一登賢書

州志

沈可法字爾先無爲人少爲諸生篤於孝友晚年彌敦古道
周族濟貧惟力是視而居身儉樸不踰尺寸子祚祐俱列
明經年登七十

州志

關坦字魯韋無爲人前明孝廉世隆子事父母以孝聞兄弟
閒備極友愛

州志

郭維垣字樞臣無爲人天性孝友父母早喪篤於兄弟分析
後諸姪家落以已產分給由是四壁蕭然恬如也仲兄維
屏宦郴州解任歸絕無資生奉養十餘年不懈子嗣選字
掄一弱冠補諸生究心古學淡於榮利廉潔自持不苟一
介里黨稱爲真君子不愧其父云

州志

吳聲官字堯聲無爲人隱士爾康子父卒事母孝母病湯藥

必親嘗以兩弟爲母所鍾愛分析時推多與之自取其瘠
薄者動嚴禮法雖親暱無敢干以私焉

州志

朱搢瑛字東玉無爲人歲貢繼伯前詔爲嗣前詔與配君吳
孺人俱早逝搢瑛惟生父前詔是依及長前詔遠宦楚黔
搢瑛督理家政惟謹與弟揆璟備極友愛同事葛宐人曲
盡孝思生平純慤律身然諾不負天性聰穎一目數行晚
年玩習詩古愛作蠅頭小楷手錄書籍逾尺卒年六十有
五揆璟字宋若與兄同以孝友著稱以歲貢授常州府訓

導卒於官

州志

徐士儒字至林無爲人歲貢嗜學甚苦嘗暑夜翳燈帷中默
誦達旦家貧授徒盡心啟迪性至孝父沒臥母榻前三年

學憲余公選舉優行

州志

蔣懋禮字秩宗無爲人諸生性至孝奉養甘旨必親嘗以進
遇祖父母忌辰輒哀感流涕生平取與不苟嫉惡甚嚴閉
戶課子屏絕外事著有字學辨微一卷子如荃雍正壬子
舉於鄉

州志

朱世衍無爲人素行醇謹鄉里稱善康熙癸巳以耆老赴京
恭祝

萬壽親受賜賚郡守州牧俱旌之年八十七

州志

樂一藝無爲人例貢生爲人謹朴性好施予居鄉里恂恂然

稱長者

州志

胡尙鼎無爲人性好義有族人天秋孤露無倚尙鼎撫之爲

之娶授以田屋

州志

高榮後號克昌巢人獨捐二百金造鍾家巷石橋一座

縣志

劉澍字景昭巢縣人世居夏閭劉村慷慨好施樂善不倦居傍有橋通大河架木爲之春夏湫雨衝決行路者望洋莫渡度常二三見澍壽產捐銀八十兩以爲領袖竝婉諭諸侄募勸諸鄰俱勉力捐助於河西造石橋三衝行人利之至今人稱劉家橋又命侄于崇修小石橋于絕澗處以通

往來

縣志

楊先培字彬裕巢縣人德範舜漁裔孝友克敦不墜先人遺訓桐鎮東路遇久雨泥濘難行培捐倡礮石人頌坦途飛鳳橋日久傾圮復捐募董修以便行旅

縣志

劉徵字秀升巢縣人國學生幼業儒兼通百家諸書秉性仁
慈樂善喜助夏施茶冬施葢以解渴寒病施藥死施棺以
濟貧乏甲午歲饑輸粟賑贖全活多人易贊時猶以孝弟

忠信勤儉謹慎戒子若孫

縣志

李起倫字序昌原籍繁昌自祖君羨寓居巢倫苦志讀書工
詩字性復樂施南岸馬頭傾圮獨修利濟邑侯韓公贈有
濟人誕登之額

縣志

劉金殿字子閣巢縣人天性孝友為人慷慨赴義憐貧恤孤
遇人有爭財者解囊以釋之

縣志

翟凌鵬巢縣人志切濟人情深利物於石次橋頭造茶庵修
佛像庵前葺亭爲往來息肩地夏茶冬湯以濟行人置田

種以飯僧皆獨力捐貲爲之

縣志

張如翼字美吾巢縣人幼事詩書不遂其志乃徜徉山水以自樂居心渾厚立品端方常爲人排難解紛不惜傾囊以贈鄉里稱爲長者享年八十有一

縣志

劉學堯字尙虞巢縣人父病刲股以愈外祖母無依養之終身克盡禮又年饑買麥以濟一方人多德之

縣志

劉學周字長南巢縣人事父惟謹待弟克敦友讒生平不苟色笑一鄉咸有正人之目

縣志

曹開顯字世昌無爲人順治丙戌舉人任婺源教諭陞山西絳縣知縣甫十月致仕歸仍授徒鄉里其清操如此

州志

盧綜顯字右文無爲人明末兵警挈家避寇年二十一補諸

生其父應爵及弟仲勳皆死于兵時季弟尙幼綜顯以先人田宅讓於弟自硯耕養母兼撫仲勳遺孤俾成立有同舍生以細故被黜傾貲救之事已無德色性嚴介寡交喜接引後進精小楷行書工詩賦著有聽魚山集善鼓琴居母喪後遂絕絃不鼓通地理宅相占候陰陽無不奇中

縣志

張甦字季文合肥人嗜古博學秉禮持正居南郊外茅屋數椽自號牛農老人不事游名而薦紳先生訪道問字者絡繹不絕每以孝友勵俗有古君子風

縣志

陳永曦字盛彩合肥人幼習儒業以數奇不偶遂絕意青紫閉戶讀書所爲大小題文近千首出其門下者皆知名士

平日言方行矩鄉人式之

縣志

李捷字泳士號鬱山無爲人庠生七歲能詩補諸生遇事敢爲先是州民遭旱排兜歛之苦適廬江令李公攝州篆捷籲請倡行便民小單其費不貲捷復鸞產佐之民困獲甦州人至今食其福性嗜學至老不倦工古文詞著有鬱山

草堂集東遊草

州志

謝鳳毛字殊有無爲人鄉諸生深沉好古素履端方地方利病當事者恆虛心諮訪出一言皆切民瘼如行條鞭築四壩清編審皆其所力請者晚年尤好吟詠長子朝覲由郡庠入太學授職銓部性恬淡工吟詠著有東墅小草次子

舉安進士

州志

劉廷蒼字漢年無爲人少失怙事母至孝夙負俊才游心藝

苑製作皆高古成一家尤喜接引後進講論詩文終日無
倦色學者樂親近焉

州志

燕翼字燦微無爲人少孤家貧力學能文耕硯養親不與外

事州內知名士多出其門膺康熙癸未歲薦卒年七十有
九州志

沙之浩字深源無爲人負性謙和家居敦孝友嗜學寒暑不
輟工書法小楷尤佳雍正七年選拔北上卒於京邸

州志

朱傳字羽經無爲人品訖渾朴才學博雅督憲獎其優行鄉
里尊爲士範著有雲泉詩

州志

伍貞無爲人性孝友以產讓兄沒齒無怨徜徉衡門蕭然高
寄族人有述負者常出已財代償之著隴耕野人集

州志

字太康無爲人諸生有文譽常謂空文無益於時遂謝去營別墅於西郊日盤桓其間以自適與弟友愛事嫡母盡孝生平澹泊明志人咸重之

州志

吳漢字雲章無爲人前侍郎光義第三子深沉嗜學而淡於榮利由歲貢教習正紅旗授湖廣臨湘縣令未閱月卽告歸

州志

凌可綸字經甫巢縣人樂善好施然諾不苟捐貲造湖南高林橋至今行人稱便又倡修甘泉寺煥然一新鄉鄰有貧乏者時爲周濟時稱長者

縣志

劉君紹巢縣人幼失怙棄儒事母以孝稱撫弟任身任婚娶律身行已悉以古道自矢

縣志

張真字叔康巢縣人庠生穎異過人博學能文章性耿介不

阿鄉里稱之

縣志

范本泌合肥人七齡失怙孝事孀母友愛諸昆冬月必備衣粟以周貧乏鄉黨多倚賴之乾隆十九年舉鄉飲賓郡守趙公賜額曰望重輿評

婁日贊字宇學合肥人天性純篤早年失怙善事孀母以孝聞敦本睦族謹言慎行博通今古不務浮名郡守趙公重其品學額其室曰大隱

郭紀熙合肥人素行孝友自其祖父樂善好施熙承先志周恤親隣捐輸義地有弟七人皆親教之成名乾隆丁亥舉鄉飲介賓郡守王公贊曰推仁廣義培植心地樂善之誠

已積三世

王信合肥人父錦華病篤齋戒祈禱願減已壽十年以增父
算越日夢神告曰鑒汝之誠益汝父壽汝壽固不減也父
病尋愈後十年乃卒

蔡國頰字子吉合肥人賦性醇厚訓子姪生徒以涵養性天
爲本生平無疾言遽色晚年學益粹一切世故無足以撓
心者惟多藏書以遺子孫

傅國佐字天植郡庠生好學力行崇重信義族姪彤選幼失
怙恃佐撫之如己子至於成立族中貧不能葬者置義地
葬之康熙閒歲旱出穀數百石以賑里黨又捐貲修置府
學樂器祭器撫軍趙公督學姚公皆賜額旌之

王元登字嘯門合肥人廩貢生爲進士商河令哀季子三歲而孤謹奉母教終身不離左右鐫父遺文行世兄元齡歿遺三子一壻亦早孤登皆善撫之有孀姊前母所出也無子歸依於家爲立嗣請旌登性聰慧舉業外凡詩詞書畫百家雜技無不精通

丁昇字允曠合肥人武舉樂善不倦力行功過格奉以終身舉行合舒廬無四邑同善局又與里人公辦育嬰堂飢寒疾病孩幼無依者多賴存活

蔡秀字蒼佑合肥人事親以孝謹間與人交慨慷重義不輕然諾疏財好施鄉里德之

黃彬字國華合肥人貢生端方耿介性好推施家產不途中

人而濟物利人有求必應子二人長大鶴字羽豐郡增生篤志窮經至老不倦慷慨好施有厥考風乾隆十九年郡守趙公舉鄉飲禮眾口交推辭不受里人賢之次文衡增貢生事親克孝母病五年竭力奉侍居喪三年不入內室事兄大鶴恭而有禮每晨必請兄所問安析產時兄弟交讓屢舉優行乾隆丁亥舉鄉飲大賓

沙岳字鎮宇合肥舉人家貧事父母菽水盡歡叔祖母陶氏早寡無依岳奉養數十年爲之請旌嘗映月讀書無月則以線香照讀究心聖賢誠正之學不僅以制藝擅長

趙炯合肥人附貢生兩舉優行輕財好施東關外大河北岸崎嶇泥濘行人苦之炯獨捐金糞成石路乾隆間歲歉捐

米數百石煮粥賑飢鄉里有善人之目

李耿忠字申白合肥人仁善性成少時見父濟人之窮輒爲請益捐七品職以母老終不謁選乾隆間歲旱出穀千斛周濟親族鄉隣施義地於青陽鎮西以葬孤貧捐修道路橋梁廟宇諸善行不可勝紀

李集合肥人年十三繼母忠病割股療之兄弟分產時長兄食指衆多遂以己產與兄素習岐黃施藥濟人鄉里多蒙其惠

張惟字載謀合肥人性至孝父病刲股籲天獲愈及歿奉母益篤母卒後年屆七旬每時祭必號泣敦友于重然諾族黨貧乏者分產明恤之教子義方能尊師重道督學葉旌

以額曰孝友可風

蔡天泰字寅亮合肥人少孤事祖父母能得其歡心依孀母膝下五十年孺慕無異赤子倡恆善局會買木施棺戊子歲旱賑飢撮城鎮人日給米半升有田隣數十家飢待斃奉量其家口各給錢三五千隣無飢死者

張桐合肥人乾隆乙酉拔貢家貧力學孝友端方鄉里咸欽敬之同善局施藥材瘞暴骨梓功過格諸善舉桐爲首倡始終不怠弟榆禔躬懋學敦本敬宗家無擔石而先世喪葬諸大事獨力任之親友中有以孤子託者榆爲之經理教誨務俾成立而後已

褚家璿字齊玉合肥人廩監生少有至性誠於事親羣從昆

弟朝夕不離戊子歲荒有鬻養媳爲婢者璿代償其價而還之卒爲夫婦又嘗於逆旅得遺金還諸其人弟家璉字山玉居家孝友處鄉黨循循有禮內外無閒言嘉慶元年與千叟宴膺七品頂帶

李延杓字參瞻合肥庠生篤學不倦娶吳氏早卒終身不再娶獨撫二子教之成人

黃存義合肥人篤厚鄉閭樂倡義舉乾隆辛巳捐千金置產稅其租以濟寒士鄉試之費又捐七百元房舍爲廣益局公所郡守王公成旌以額

周朝鼎合肥諸生與兄朝鼎友愛無閒先世遺產二千金盡以讓鼎鼎不受鼎曰兄五子食指繁多不能贍給我授徒

足資生無需此也後鼎家貧熟以館穀資之生平口不言人過羣稱爲長者

陸宗瑛字倫玉合肥人家僅中人產乙巳歲大饑捐金爲粥以待鄉鄰之餓者人多賴以全活又焚貸券二百餘金一時稱之

李灝字湄江合肥歲貢任睢寧訓導自奉儉約而好施與遇族戚恩義尤篤有以匱乏告者必竭心力以任之

採訪事實

董懷峯字觀宸合肥歲貢充景山教習候選知縣性孝友胞弟懷巖雙瞽峯赴京時將已產盡與弟以資衣食及歸家同居十餘載飲食坐臥不離弟卒喪葬如禮家貧無怨言善屬文尤工書法

李山合胞南鄉派河人六世同居不置私產丙午歲歉散給千金隣戚賴以全活咸稱頌之

採訪事實

白廷俊合胞貢生少孤事母盡孝見義必爲乾隆乙酉捐銀千兩修浚城隍乙巳歲飢復捐賑銀二千兩督撫具題給匾旌獎

李雲合胞庠生幼失怙母病奉侍誠謹汗穢皆手自洗滌目不交睫者二載未幾母復病篤雲背負出入七年無怠娶李氏善事其姑氏卒雲德之誓不再娶

王邦珍合胞監生少事繼母先意承志族中孀幼無依者邦珍衣食之焚鄉鄰借券百餘紙乾隆年間旱歉捐麥八百石銀二百兩按戶口分給來春復借籽種百石家由此落

終無怨言及卒里人義而哀之

程德新字悔齋合肥人篤志潛修改過不吝生平薄於自奉積其餘以濟族中之不能婚葬者年七十時自製箴言一篇所言皆省身克己之學

龔湘字南亭合肥庠生父曾聰性狷介湘善承父志莊敬自持不苟言笑母歿事庶母盡禮居喪三年足不出戶生平著作詩古文詞字法印章竝臻佳妙

范正素合肥增生天性醇篤事親克孝兄弟七人飲食必偕工舉業屢薦不售退隱朝霞山詩酒娛情授徒講學從遊多知名士

蔡卉字丹亭合肥人乾隆丁卯舉人甲戌登明通榜授旌德

教諭加捐國子監典簿父泰來性好施子每歲終捐米五十餘石分給族隣之貧乏者行之五十餘年率以爲常父歿遵行不怠爲人和平溫厚人咸以長者稱之著有大學堂文稿

牛成瑚合肥人以歲貢生授望江訓導爲文深研理奧追摹古人教授生徒以經明行修相砥礪敦孝友建家祠修宗譜訓子孫務醇厚戒浮薄鄉里薰其德年八十卒于燦奎性至孝力田養親輔諸兄讀書菽水薪火竭蹶以供連遭父母喪哀毀骨立及葬大慟血淚迸流遂病不起人多哀之

李鼎合肥人少孤恪遵母訓力學不懈乾隆間歲荒捐穀賑

飢親族就食者數十人取鄉里遺券悉焚之母登大耋鼎亦六旬每進膳必率孫曾侍側五世一堂承歡尤摯

王似字起南合肥附貢生治家清肅和陸鄉閭教九子領鄉薦者四貢成均者三孫桐乾隆庚寅舉人人咸以爲善人有後云

高嶽字巨占舒城人登奇長孫家貧竭力以供親膳親歿嶽六十六歲哀泣如赤子壽至八十舉鄉飲賓仲弟峻字履厚性孝友言笑不苟戚族鄉里咸重之季弟嶺字仰瞻幼孤後由歲薦就職訓導以母老故終不仕邑建龍山書院嶽董其事不憚勞瘁三年而成嶽子珠秉心忠厚處世謙冲每歲暮散財周急又分田數百畝贍濟親族尤人所難

嘉慶元年與千叟宴以候選州同加一級並邀

恩賚如意壽杖綾緞等物峻子珍幼負才名能肩大事邑七門
堰久廢珍屢清理原委上下堵田均蒙其利

陳應鼇字岱瞻舒城人敦本睦族爲善於鄉從弟婦束氏守
節捐貲代爲請旌又獨建宗祠捐田奉祀旁建家塾延名
師俾族中子弟咸往就學每歲暮必出粟資助親鄰

何芬字精一舒城人例授知府治家勤儉和睦鄉閭邑建龍
山書院樂輸數百金卒後三子恪遵遺命好善不倦乾隆
五十年饑以穀五百石輸官賑濟邑民賴焉

吳應龍舒城人少孤善事孀母與弟應虎共爨二十餘年庭

無間言乾隆二十一年旱捐貲設粥以食飢民邑令給額以獎舉鄉飲賓

靳宏基字孚休舒城庠生六齡失怙母矢志柏舟以基幼穉嗣伯子宏任基長與任愛若同胞邑令贈孝友引年匾額初任有田若干攜以入繼而基田本多後家益裕任卒子遵遺命析產爲六以四與基基不聽歸任原田而以已田均分之鄉里稱其義讓又爲母請旌創建宗祠廣置墓田晚年益嗜學設教於鄉從遊者多受益焉

黃仕晉字楚材舒城庠生性孝友兄瞽弟幼體親意以家產

讓之授徒爲生視躬端整鄉評推重比之王彥方云

採訪事實

靳宏士字軼材舒城人以例貢授知府職性澗達有才略重

然諾好爲人排難解紛乾隆甲子春大雪有飢寒不能出門者作糜往賑之鄰里日給以米後屢值灾荒倡族人捐粟設粥不足更糴之他郡以濟學宮久圯出貲新之七門嶺險峻行人有顛而殞者偕里人平治之建亭其側以息行旅鄉人至今稱道其事

吳崇誥字紹伊廬江人由太學生授布政使經歷少孤孝事孀母睦嫻任郵有古君子風創議建潯川書院捐田以資膏火修葺城垣文廟皆有助焉

李旦雲字曙滄廬江增貢生事親竭情盡禮母歿時四弟俱幼飲食教誨皆承父志父歿仍同居數十年修宗譜置祭田又施義地以葬孤貧創建萬壽庵捐田施茶生平雅嗜

讀書七旬外猶手不釋卷云

劉驥字秩音廬江進士官安慶郡博素性恬退不樂仕進吏部截取知縣辭不就引疾歸足迹不入城市邑令慕其清高欲一見而不可得

姚錫綸字虞賡廬江人父以孤子勢微族人多欺凌之綸支持調護父乃獲安母病垂危禱以身代刲股進藥病旋起立身行已正直端方鄉隣悍暴之人望之輒引去

丁寵廬江諸生博通載籍五經皆有註釋治家不尚嚴厲務躬行孝弟以率之著有懷瑾集樂豐堂稿行世

補遺

趙光奎字文斗合肥國學生衛籍名載衛志九赴南闈目覩

寒士科費維艱於乾隆十六年首倡義舉捐典租四十石以助資興後當戶起典價存學生息先是衛志載朱氏趙璣妻夫故訓子就義克成卽奎母也於此足徵母賢而奎遵母訓益見矣奎子庠生芸佩監生蘭台孫監生學海庠生學浩

廬州府志卷三十五

隱逸

巢父

許由

樊仲父

穆源漁者

葛化龍

葛聞孫

朱可與

方自勉

李澹然

楊首春

濮師堯

楊大濂

徐少游

張綸

鍾濟

李懋修

胡傳

吳忠淳

朱岳

丁最

董全

張轍

季友賢

郭尙友

劉廷展

吳爾康

林若俊

劉從周

陸品

朱智

錢若愚

蔡梅

呂貞

郭維清

楊林

廬州府志卷三十五

賜進士出身廬州府知府溫陵張祥雲主修

隱逸

陶唐

巢父堯時人山居不營世利年老以樹爲巢而寢其上故時人號曰巢父堯之讓許由也由以告巢父巢父曰汝何不隱汝形藏汝光若非吾友也擊其膺而下之由悵然不自得乃過清冷之水洗其耳拭其目曰向聞貪言負吾友矣遂去終身不相見

高士傳

許由字武仲陽城槐里人也堯召爲九州長由不欲聞之洗耳於潁水濱時其友巢父牽犢欲飲之見由洗耳問其故

對曰堯欲召我爲九州長惡聞其聲是故洗耳巢父曰子若處高岸深谷人道不通誰能見子子故浮游欲聞求其名譽污吾頰口牽犢上流飲之

高士傳

按明隆慶志許由與巢父相友善曾隱巢之臥牛山

樊仲父堯時人堯欲讓天下於巢父巢父不受樊仲父率牛飲水見巢父洗耳乃驅牛還聽令其牛飲於下流也則仲父蓋亦巢縣人見莊子

明隆慶志

五代

穆澤漁者吳太祖爲廬州八營都巡警憇於江岸有漁父鼓舟直至前饋魚數頭曰此猶公子孫鱗次而勑也因四指曰此皆公之山川吳公異之將遺以物不顧而去

江漢異人錄

宋

葛化龍字雲升自號竹溪廬之合肥人祖權父汝明在宋皆明經化龍才質高潔克繼家學以策論登文科未久宋亡抱道自樂終不仕值行中書省昂吉左丞宣慰淮右聞其聲屢造門訂交化龍勸以惠政安民裨益良多晚年隱居湖右買田築室爲養生計寄跡漁樵優游里社子忠性純

粹補學職

康熙志

元

葛聞孫字景元合肥人蚤喪父事母篤孝攻苦力學天性警敏日記數千言輒終身不忘初家貧出爲頓州文學頃之歎曰此非養志之道吾有薄田勤力耕稼亦足以供養遂

歸養親每旦夕必衣冠躬問起居飲食必親侍惟親所欲于舍傍湖水之曲結環翠山房以延來學四方之士多從之游日與諸生誦說經史探幽抉奧極其旨趣諸生皆若有得閒嘗入城城中人識與不識皆目爲隱君子也爭相迎候以不至其家爲恥親故有訟事官司所不能決質于聞孫直以一言決之訟乃息與人言無非忠孝節義人多信從之執政者謂其孝行篤至問學淵懿疏薦於朝召爲翰林院編修辭不赴召之日合胞學甘露降于松明年又降于栢占者曰徵君之應也卒年六十一其友忠宣余公表其墓所著文集若干卷傳永平實稱其爲人今散逸不

存
明隆慶志

朱可與舒城人少好學博覽醞籍尤通尙書義慕古高士風節不干仕進隱居教授以文行兼美著聞當時

明隆慶志

明

方自勉字聖修合肥人性方嚴不苟然諾里人比之王彥芳乘青紫隱於湖濱以古學教授生徒不入城市或駕小艇出沒烟波間經月乃還子華見孝義

明隆慶志

李澹然字公永合肥人性孤鶩落落寡合棄舉子業與友人陳系讀書朝霞月夜常朗吟峯頂山閒人聞之曰此窮措大嘯月聲也喜讀莊騷楞嚴諸書創一亭有丹楓數十株因顏之曰楓庵故魏伯陽煉丹處也著曠園集隱居集黃

葉庵詩

明隆慶志

楊首春字元之舒城人澡身浴德不讓古人每與諸儒講論
聽者忘倦編茅成屋匿影空山有司往物色之已挂瓢去
踪跡不可復得矣舒人爭高之

明隆慶志

濮師堯字懷唐舒城人性古直以仁術活人甚多子中玉成
進士師堯布衣徒步淡然自足中玉居官亦有稱

明隆慶志

楊大濂字潔甫無爲人高雅恬退以布衣被薦不就衣敝履
穿灑然自適所著有詠史諸詩

明隆慶志

徐少游字勉之無爲人少豪曠善兵家言中歲放情泉石掃
澗溪草堂讀書吟咏其中足跡不入城市與丁最董全唱
和號飯牛山人著飯牛棗

明隆慶志

張綸字淮浦無爲人後徙合肥著有林泉隨筆隱君子也

康

熙志

鍾濟字海源無爲人守義端嚴不輕假色笑平生未嘗一接長吏舉鄉飲不就舍後築一園臨江面山以詩酒終其身

明隆慶志

李懋修字成章合肥人崇禎初歲貢性英爽遇事敢言凡邑中田賦徭役糜餼之屬有未協者片語折之事罷毫無圭角庚午訓崇川遷真陽教諭署上蔡縣事歸隱于北阜

熙志

胡傳字希記巢縣人以貢任星子縣簿勤勞五載浩然乞歸有青山笑我久縻祿白髮向人羞折腰之句風格可想

熙志

吳忠淳自涇縣遷無爲有至行元末嘗被徵不就辭以詩有

我已誅茅成小隱欲尋支遁到烟蘿之句

州志

朱岳號南山無爲人性聰穎博通經史尤長吟咏而意不可

一世嘗舉懷才抱德不就以文學終晚年自號隱求子

州志

丁最字文選無爲人積學淹雅不干仕進喜吟咏與少叅吳

蘇原給諫許平湫諸公忘迹同遊聯吟結社所著有槃澗

集行世

州志

董仝字子異無爲人隱居不樂仕進徜徉自怡與吳蘇原丁

槃澗諸君稱莫逆交

州志

張轍字良濟無爲人早年絕意科名厭居城市卜築陽山

石爲基誅茅爲屋顏之曰孤臺有孤臺小稿

州志

季友賢字輔皇無爲人郡庠生淹貫經史兼精六甲占無不
驗嘗居史可法幕因父艱求歸里隱於黃山

縣志

國朝

郭尙友字千人舒城人少業儒工舉子業屢試不遇乃棄去
旁精堪輿岐黃而不屑行其術自桃溪移居澗之星月城
茅屋數椽讀書飲酒以數畝自耕給暇則種竹栽花散步

歌吟自號野樵子

縣志

劉廷展字孟長無爲人明崇禎壬午舉於鄉聰穎善記於書
無所不讀築室西阜種花蒔竹四面環水擁書嘯歌有終
焉之志直指使薦之堅以疾辭

州志

吳爾康字父人一字孟凱無爲人明經吳默之子少工舉子業痛父以屬賊死遂棄去鼎革後隱居城南蕪溪上因號蕪溪爲人冲淡簡遠翛然塵壒之外意有所適則發爲詩歌性嗜酒喜與野僧田父泥飲篤於恩義每贖人之急自忘其艱既歿友人共梓其集行世名蕪溪詩選

州志

林若俊字振夫無爲人明季廩生入太學鼎革後隱居東野不入城市者四十年

州志

劉從周字憲明無爲人前萬歷開諸生天啟時感憤逆璫專橫遂不應試鼎革後晦跡益深野服終老焉

州志

陸昂字居一無爲人少豪俊肄業南雍有文譽遊覽嘯歌終日不輟後家益落卜居閉園性好客過從皆住士清談竟

日繼以蔬酒其堂額爲巖栖碧桐翠竹紫薇文杏皆手自

拂拭著有放言集

州志

朱智字子固無爲人性嗜學少治舉子業鼎革後遂棄去日

與吳斐溪陸士巖諸君放情邱壑著有北樵集

州志

錢若愚字智叟無爲人博涉經史早歲補諸生有聲藝苑鼎

革後棄去徜徉山水著有楚壑吟

州志

蔡梅字鶴招無爲人家貧好學蕭灑自如常著白布衫自稱

衣白者有風滿樓草并嶧山桐諸集

州志

呂貞字正也無爲人初工舉業補諸生旋棄去工書法能詩

所著有所思集

州志

郭維清字雲九無爲人絕意進取嗜學工詩至老不倦所居

有桑者軒竹樹四圍望而知爲高人宅里焉

州志

楊林字綺南合肥人庠生幼穎悟誦讀一過輒不忘性耽幽
靜不營舉子業閉戶著書不履城市者三十年著有臥雲
集萬松樓集行世

廬州府志卷三十六

方技

韓友

杜不愆

陳訓

章迪

趙廣

李恆

駱善

胡

谷濱

林時

郭民安

趙修祿

徐體乾

吳鵬

仰廷宣

楊名遠

葉廣

吳嘉善

方木

許學文

蔚之瑚

徐士光

曹夢鹿

朱觀乾

雍熙日

朱金鏞

王朝憲

楊載

方鼎

葉文舉

董生和

張名藩

李亨

蔡滋

方如鼎

趙連城

孔瑜

程正朝

張振乾

馮聖傳
崔冕

秦

堅

方正管

廬州府志卷三十六

賜進士出身廬州府知府溫陵張祥雲主修

方技

晉

韓友字景先廬江舒人也爲書生受易於會稽伍振善占卜能圖宅相冢亦行京費厭勝之術龍舒長鄧林婦病積年垂死醫巫皆息意友爲筮之使或

畫一作

作野豬著臥處屏

風上一宿覺佳於是遂差舒縣廷掾王陸病死已復魄友爲筮之令以丹畫版作日月置牀頭又以豹皮馬鄣泥臥上立愈劉世則女病魅積年巫爲攻禱伐空冢故城間得狸置數十病猶不差友筮之命作布囊依女發時張囊著

臆牖問友閉戶作氣若有所驅斯須之間見囊大脹如吹
因決敗之女仍大發友乃更作皮囊二枚沓張之施張如
前囊復脹滿因急縛囊口懸著樹二十許日漸消開視有
二斤狐毛女遂差宣城邊洪以四月中就友卜家安否友
曰卿家有兵殃其禍甚重可伐七十束柴積於庚地至七
月丁酉放火燒之咎可消也不爾其凶難言洪卽聚柴至
日大風不敢發火洪後爲廣陽領校遭母喪歸家友來投
之時日已暮出告從者速裝束吾當夜去從者曰今日已
暝數十一作千里草行何急復去友曰非汝所知也此間血
覆地寧可復住苦留之不待食而去其夜洪歎發狂絞殺
兩子并殺婦又斫父妾二人皆被劍因出亡走明日其宗

族往收殮亡者尋索洪數日於宅前林中得之已自經死
宣城太守殷祐有病友筮之曰七月晦日將有大鵝鳥來
集廳事上宜勤伺取若獲者爲善不獲將成禍祐乃謹爲
其備至日果有大鵝垂尾九尺來集廳事上掩捕得之祐
乃遷石頭督護後爲吳郡太守友卜占神效甚多而消殃
轉禍無不皆驗干寶問其故友曰筮卦用五行相生殺如
按方投藥治病以冷熱相救其差與不差不可必也友以
元康六年舉賢良元帝渡江以爲廣武將軍永嘉末卒

晉書藝術傳

杜不愆廬江人也少就外祖郭璞學易卜屢有驗高平郗超
年二十餘得重疾試令筮之不愆曰按卦言之卿所苦尋

除然宜於東北三十里上宮姓家索其所養雄雉籠盛置東檐下卻後九日景午日午時必當有雌雉飛來與交既而雙去若如此不出二十日病都除又是休應年將八十位極人臣若但雌逝雄留者病一周方差年半八十名位亦失超時正羸篤慮命在旦夕笑而答曰若保八十之半便有餘矣一周病差何足爲淹然未之信或勸依其言索雉果得至景午日超臥南軒觀之至日晏果有雌雉飛入籠與雄雉交而去雄雉不動超歎息曰雖管郭之奇何以尙此超病彌年乃起至四十卒于中書郎不愆後爲桓嗣

建威叅軍

晉書藝術傳

陳訓廬江人善相時陶侃周訪年尙少訓相曰二君皆位至

方岳功名略同但陶得上壽周當下壽優劣更由年耳

康

照志

宋

章道字吉老無爲州人隱於醫洞精諸書得鍼刺之術於素問內經之間以其道抹人傳子濟濟誓抹三千人後不復鍼又以父道付子權起病如神米芾表其墓親書碑石

康

照志

趙廣合肥人李伯時家小史伯時作畫每使左右久之遂善畫虎工作馬幾能亂真建炎中陷賊賊聞其善畫使圖所掠婦人廣毅然辭以實不能畫脅以白刃不從斷右手拇指遺去而廣平生實用左手亂定惟畫觀音大士而已又

數年遁死今士大夫所藏伯時觀音多廣筆也

老學庵筆

記

明

李恒字伯常合肥人洪武初擢周府良醫嘗奉旨集袖珍方諸書年老致仕王親賦詩以餞命長史錢塘瞿佑序其事

江南通志

駱善水樂間太醫院判胡新成化間太醫能詩士林重之俱

舒城人

康熙志

谷濱廬江人累官欽天監監正象緯預陳無一不驗英宗朝

屢蒙寵賚加銜至太常寺少卿

康熙志

林時字惟中合肥人善太素脈有一妊婦求治時語其家人

曰夏得秋脈定死當在庚申辛酉間果驗

江南通志

郭民安字華臺訓導藩之子巢縣庠生攻醫術遇病者如痼瘕之在己乙亥被圍民安登埤協守城陷後令以下皆被執不屈賊次第殺之將及民安忽一賊奔救曰八十老翁降之何用殺之何爲因得放歸後追記其人乃昔年窮途病夫施藥愈之者也弟民康醫亦有名

江南通志

趙修祿巢縣人工畫馬嘗寫大士千幅

江南通志

徐體乾巢縣人占易用左邵法與焦氏易林相符契其天文得之劉誠意著有成書所註易解焦竑爲之序

江南通志

吳鵬習堪輿家言萬歷二十七年礦稅忽開奸人乘隙規利欲徧發霍蓼金斗諸山中官暨祿率黨數十人入郡城人

心皇皇鵬爲危論動之全廬得免發掘之擾鵬術甚精所

著有五寶經

康熙志

仰廷宜無爲人性豪放隱於繪事好爲大幅陳繼儒嘗稱之

康熙志

楊名遠號萬里昭勇將軍義之後義晚年告老家居留心仁術有名醫以女科來謁義命次子師之遂精其術由是傳子孫至名遠爲第八世專精致神益著奇效凡楊氏之習醫者皆師焉

康熙志

葉廣舉縣人擅名丹青所寫漁樂圖遠近珍之

康熙志

國朝

吳嘉善合肥人事母以孝謹聞通岐黃術崇禎十三年大

疫有求醫者應以方藥期於病愈而止不復計酬願治九年旱疫亦如之年九十三始卒

康熙志

許學文合肥人精醫尤善幼科著有痘科約言保赤正脉二

書

江南通志

蔚之瑚合肥人精岐黃崇禎辛巳大疫普施藥餌全活甚多

康熙志

曹夢鹿無爲人性孝友年十九補郡諸生以文章著聲嘗遊

華山遇異人授陰符諸數術及鉛鉛等藝無不精妙

州志

朱觀乾無爲人清介端方不營生產衣荷食椽援琴自適博

通今古以至書畫堪輿理數諸秘皆探微入奧

州志

雍熙日字皞如無爲人工奕

州志

宋金鏞字杏莊無爲人精痘術不爽毫髮

州志

王朝憲字叔安無爲人精醫能療奇疾治傷寒尤神

州志

楊載字博菴無爲人精醫治傷寒尤有奇效

州志

方鼎欽人家於肥工醫能治異疾屢試輒效有貧不能具藥

直者施與無倦廬稱名醫必曰前有李恒後有方鼎

縣志

葉文舉字公遠合肥人精於醫探丹谿河閒之奧多所全活

子天彝性直行方復得秘授著醫宗思知錄

縣志

董生和合肥人其先爲名醫至和九世能療異疾

縣志

張名藩字鎮寰無爲人精幼科

州志

李亨字仲仁無爲人工畫花鳥蟲魚皆臻絕妙

州志

蔡滋字秋浦無爲人工染翰豪於游姑蘇韓學士葵贈以詩

云君家濡塢我蘇城衣帶長江一水盈我却利名君作畫

買山生遇賣山生

州志

方如鼎字周從無爲人善圍碁稱國手

州志

趙連城字我維木楚人家無爲之襄安爲人權奇倜儻世業
醫所治有奇效尤善拳勇先在劉將軍縱麾下爲火藥局
都司勦郟襄流賊有殊功後以故棄官學手搏盡得秘奧
又便捷善射百步外飛石取人皆毫釐不爽至於戈矛刀

劍之術無不窮極精能以一當百

州志

孔瑜字琢文無爲人官穎上教諭工染翰山水尤佳

州志

程正朝合肥人雍正癸卯舉人精岐黃

縣志

張振乾馮聖傳崔菟俱巢縣人工繪事

縣志

秦堅字屹高合肥人習天官家言嘗入欽天監得聞大西利
瑪竇湯若望諸星法及天文諸書後遊江浙言人禍福壽
夭皆奇驗客死蘇州其卒之前三日自知死期命子瑞麟
具湯沐浴至期無疾而死

方正晉合肥人耿介七也與人交必以誠善岐黃尤精眼科